

# INUIT ATAQATIGIIT INATSIARTUNI



UKA2022/076

Ulloq 25-10-2022

Knud Mathiasen

**Tasiilami innuttaasut suliffeqanngitsut paaqqinninnermi isumassuinermillu immikkoortortaqarfimmi sulilersinnaanissaannut qaffasaanissamut immikkut suliaqartussanik pilersitsinissamut Naalakkersuisut peqquneqarnissaannik Inatsisartut aalajangiiffigisassaattut siunnersuut. Immikkut suliaqarnissaq sukkanerpaamik aallarnisarneqassaaq nunarpullu tamakkerlugu atuutilersinneqarnissaa siunertaralugu ataavartumik nalilersorneqartassalluni.**

**(Inatsisartunut Ilaasortaq Anna Wangenheim, Demokraatit)**

## **Aallarniut**

Peqqinnissaqarfimmi paaqqinnermik isumassuinermillu immikkoortoqarfimmi inuusuttuaqqanik suliffeqanngitsunut sulilernissamut soqutiginninnilersitsiniaanissamik siunnersuummut qujanaq.

Peqqinnissaqarfimmi paaqqutarinninnermilu immikkoortortaqarfimmi sulisussanik ajornartorsiuteqarnermi ajornartorsiut qaanginneqartariaqarpoq.

Inuusuttut suliffissaaleqisut sulilersinnissaannut paaqqutarinninnermut isumassuinermillu immikkoortortaqarfinnut pitsaasuusoq isumaqarpugut inuusuttummi utoqqarnut attaveqartarnerat inuusuttunut peqqinnartuugami taamatullu utoqqaat inuusuttunut sullissisunut attaveqartarnerat utoqqarnut peqqinnartuugami. Inuusuttuullunimi utoqqarnik oqaloqateqartarneq nuannersuuvoq anersaakkullu nakussassaataasarluni.

# INUIT ATAQATIGIIT INATSIARTUNI



Ilinniarsimasunik amigaaqarneq annertummat Naalakkersuisut Kommunillu peqatigalugit PKU-mik pikkorissaanerit suliffissaaleqineq akiorniarlugu siunertarisaat tigulluarparput. Inuusuttummi ilinniarsimannigitsut ilinniarnissamullu piginnaasatigut appasissut kisianni suliassanik passutassanik pikkoreersut Peqqinnissaqarfinni Isumaginnittoqarfinnilu atorfissaqarteqaarput.

Tasiilami suliffissaaleqineq ukiorpassuarnik inuttussuseq aallaavigalugu suliffissaaleqineq qaffasinnerpaatut inissisimajuaannarpoq tamanna qaangertariaqalerparput, naak ilaatigut Naatsorsueqqissaartarfiut kisitsisaataat tunngavigalugit suliffissaaleqineq ilaatigut appariartaraluartoq suli suliffissaqarniarneq ajornartorsiutaasoq ilisimavara. Tasiilarmi qiviaraanni suliffissuaqanngilaq. Anna Wangenheim, Demokraatit ilumoorputit sulisinnaasutut nalilersinnaasagut atorluartariaqarparput taamaattumik immikkoortortaqarfinni Naalakkersuisut Kommunillu suleqatigiilluta ajornartorsiut aqqiivigisaqalerparput.

Qallunaat Nunaanni peqqinnissaqarfinni Kommuninilu paaqqutarinninnermik isumassuinerinillu immikkoortortaqarfiini sulisussanik amigaaqarnerisa ajornartorsiut aqqinneqarnissaanik suliniutaanni massakkullu timitalerneqareersumik, tamanna suleriuseq nunatsinnut tulluurtuusoq kiisalu atorluarsinnaagipput isumaqarpunga.

Inuit Ataqatiinnittaaq isumaqarpugut Paaqqinninnermik Isumassuinerinillu sulilersinnaaneq pilerinartuunissaa pilerinarsarnissaalu ersarinnerusumik anguneqartariaqartoq.

Taamaalilluta tassani sulisussaaleqineq annertusiartornera pinaveersaarsinnaagatsigu.

# INUIT ATAQATIGIIT INATSIARTUNI



Peqqissaanermik Ikiortit-ut ilinniagallit kiisalu Tapersersuisut Ilinniarsimasut suliaminnik kinguaattooqqammata kiisalu artorsareermata piaartumik iliuuseqartoqassasoq Naalakkersuisullu peqquneqassasut sulilersinnaanissamut qaffassaanissamullu immikkut suliaqartussamik pilersitsinissamut-tapersiinerput oqaatigaarput kiisalu Naalakkersuisut allannguutissatut siunnersuutaat ilanngullugu tapersersorlutigu.

Taamatut oqaaseqarluta Ataatsimiitaliamut susassaqartumut ingerlateqqipparput tasanilu siunnersuuteqartup Naalakkersuisullu allannguutissatut siunnersuutaannut ataqatigiinnerusumik naaperiaanerusumillu suliarineqarnissaa kissaatigalutigu.